

इवनिंग डोगरी न्यूज़ बुलेटिन
समे .18:15 Hrs

<><><><><><>

Headlines

1. प्रधानमंत्री नरेन्द्र मोदी होरें नमीं दिल्ली च यूरोपीय आयोग दियें अध्यक्ष हुंदे कन्नै डेलीगेशन स्तरै दी गल्लबात कीती। उंनं आखेआ जे भारत ते यूरोपी युनियन बश्कार द'ऊं दहाकें शा मती परानी सामरिक महत्वै आहली सांझ-भ्याली, बुनियादी ते कुदरती ऐ।
2. जम्मू-कश्मीर पुलसै रामबन जिले च 5 आतंकवादिएं दि'आं संपत्तियां जब्त कीतीआं न। एहू सब्भै आतंकवादी पाकिस्तान दे गैर-कनूनी कब्जे आहले जम्मू-कश्मीर च छप्पियै बैठे दे'न।
3. स्कूली शिक्षा मंत्री स्कीना इत्तू होरें आखेआ ऐ जे कश्मीर घाटी सने जम्मू संभाग दे स्याले आहले ज़ोन च हायर सैकेंडरी सतह तोहड़ी दे सब्भनं स्कूलें च स्यालें दिएं छुट्टिएं गी बधाई दित्ता गेआ ऐ। स्कूल 7 मार्च गी फ़ही खुल्लडन।
4. रामसू ते काजीगुंड बश्कार केई थाहें पर बर्फ़ किट्टी होने करी जम्मू-श्रीनगर राश्ट्री जरनैली सिड़क, गड्डिएं दी आओजाई लेई अजें बी बंद ऐ।

<><><><><><>

Perz. EV India

प्रधानमंत्री नरेन्द्र मोदी होरें अज्ज नमीं दिल्ली च यूरोपीय आयोग दियां अध्यक्ष Ursula von der leyen हुंदे कन्नै प्रतिनिधिमंडल सतह दी गल्लबात कीती। गल्लबात मगरा इस सांझे बयान च प्रधानमंत्री मोदी होरें आखेआ जे भारत ते यूरोपीय आयोग मझाटै 2 दहाकें परानी रणनीतिक सांझेदारी बुनियादी ते कुदरती ऐ। इस मौके पर बोलदे होई प्रधानमंत्री होरें आखेआ।

Von der leyen होरें भारत दी रोज जात्तरा पर कल दिल्ली पुजियां हियां। उन्दे कन्नै यूरोपीय आयोग दे 22 आयुक्त बी मौजूद हे। एहू यूरोपीय संघ दे आयुक्तें दी पैहली भारत जात्तरा ऐ ते एहदे कन्नै दवै मुलखें दे दपक्खी सरबन्ध होर निगगर होने दी मेद ऐ। भारत ते यूरोप 2004 बरे थमां रणनीतिक सांझेदार न ते दौनं मुलखें दे दविकख्या सरबन्ध होर गहरे होए न ते दौनं दहाकें थमां गै इनें सरबन्धें दा बक्ख-बक्ख खेत्तरें दा विस्तार होआ ऐ।

<><><><><><>

Property Seized

प्रदेश च आतंकवादी नेटवर्क दा समूलचा नास करने दी दिशा च इक बड्डी गैंह पुट्टदे होई जम्मू-कश्मीर पुलसै रामबन जिले दे गूल इलाके च 5 आतंकवादिएं दिएं संपत्तिएं बी जब्त कीता ऐ। आकाशवाणी दे जम्मू संवाददाता मूजब, गूल दे एसडीपीओ हुंदे हुक्मै मूजब एह कार्रवाई कीती गेई ऐ। एह संपत्तियां हिजबुल मुजाहिदीन गुट दे ओकड़े आतंकवादिएं दिआं न जेह्ड़े पाकिस्तान दे नजैज कब्जे आहले जम्मू-कश्मीर च छप्पियै बैठे दे न। एह आतंकवादी खित्ते च आतंकवादी गतिविधिएं च परतियै जान भरने लेई इन्हें संपत्तिएं गी बेचने दी फिराक च हे। एह सब्भै आतंकवादी, थेआर चलाने दी सिखलाई लैने ते भारत खलाफ आतंकवादी गतिविधिएं च शमूलियत दे भैड़े मकसद कन्नै पीओजेपी चली गेदे न।

<><><><><><>

National Science Day

मुख्ख भरै च अज्ज राश्ट्रीय विज्ञान दिवस मनाया जा'रदा ऐ। हर बरे एह ध्याड़ा 28 फरवरी गी महान वैज्ञानिक सी.वी रमन हंदी खोज 'रमन प्रभाव' जिसी 'रमन इफेक्ट' दे नांs कन्नै जानेआ जंदा ऐ, ओह्दे सम्मान च मनाया जंदा ऐ। सर रमन होरें'गी उंदी इस खोज लेई 1930 च नोबल पुरस्कार कन्नै सम्मानित कीता गेआ हा। मुख्ख भरै च अज्जै दे ध्याड़े स्कूलें, कॉलजें ते शैक्षणिक संस्थानें च विज्ञान सरबन्धी जागरूकता कार्यक्रमें दा आयोजन कीता जंदा ऐ जेदे च निबंध लेखन, भाषण प्रतियोगिता, विज्ञान मॉडल प्रदर्शनियां ते प्रश्नोत्तरी प्रतियोगिता सने होर गतिविधियें दा आयोजन शामिल होंदा ऐ। प्रधानमंत्री नरेंद्र मोदी होरें अज्ज राश्ट्रीय विज्ञान दिवस दे मौके पर लोकें गी बधाई दिती। इक सोशल मीडिया पोस्ट च प्रधानमंत्री होरें आखेआ जे विज्ञान ते ज्ञान किट्टे हर समस्या दा समाधान दिंदे न।

<><><><><><>

Science Day Celebration

अज्ज राश्ट्रीय विज्ञान दिवस दे मौके पर पंडित प्रेमनाथ डोगरा सरकारी डिग्री कॉलेज साम्बा ते गिरधारी लाल डोगरा मेमोरियल कॉलेज हीरानगर नै रलियै 2 रोजा इक कार्यक्रम दा सरिस्ता कीता। इस कार्यक्रम दा आयोजन इस बरे दे विषेसार विकसित भारत लेई विज्ञान ते नवाचार च वैश्विक अगुवाई आस्तै भारतीय युवाएं गी सशक्त बनाना, कन्नै तालमेल बनाइयै कीता गेआ जेदे च मुख्ख करी ध्यान भारत दी वैज्ञानिक ते तकनीकी तरक्की गी अगगे बधाने च नौजवानें दी मानसिकता ते उंदी मत दी भूमिका गी उजागर कीता गेआ। इस कार्यक्रम च साम्बा जिले दे बक्ख-बक्ख स्कूलें दे 27 विद्यार्थियें आसेआ साइंस पर आधारित मॉडल ते प्रदर्शनियां दा प्रदर्शन कीता गेआ। इस मौके पर बोलदे होई जीडीसी साम्बा दियां प्रिंसीपल प्रो. डॉ. टिंकल सूरी होरें आखेआ।

जिस्सले के इक विद्यार्थी नै इस चाल्ली अपने विचार सांझा कीते।

<><><><><><>

JK Commission

जम्मू-कश्मीर दे मकामी निकाएं लेई समर्पित पच्छड़े वर्गे दे आयोग नै कल मुख सचिव अटल डुल्लू होरें'गी अपनी खीरी सफारशां सौंपियां। सेवानिवृत्त न्याऽमूर्ति जनक राज कोतवाल हुंदी अगुवाई आहले इस आयोग गी ओबीसी प्रतिनिधित्व बारै अपने तजुबे दे आधार उप्पर शोध करने, बक्ख-बक्ख सरबन्धत धड़ें कन्नै गल्लबात करने ते शैह्री ते ग्रामीण मकामी निकाएं, दौनें लेई बक्खरे-बक्खरे तौरा पर आरक्षण दी सफारश करने दा जिम्मा सौंपेआ गेआ। आयोग दा कार्यकाल, जेहड़ा जंदे दिसंबर म्हीने खत्म होआ'रदा हा, उसी फरवरी 2025 तगगर बधाया गेदा ऐ। एह सफारशां नेहू समें पर आइयां न जिसलै जम्मू-कश्मीर दे शैह्री मुकामी निकाएं ते पंचैतें दे चुने गेदे प्रतिनिधिएं दा कार्यकाल खत्म होई गेदा ऐ।

<><><><><><>

Winter Vacations

सरकारै मौसम दे मजूदा सूरते हाल गी दिक्खदे होई कश्मीर घाटी सने जम्मू संभाग दे स्याले आहले ज़ोन दे सब्भनें स्कूलें च स्यालें दिएं छुट्टिएं गी बधाई दित्ता ऐ। आकाशवाणी दे जम्मू संवाददाता दी रिपोर्ट मूजब, शिक्षा मंत्री सकीना इत्तू होरें इस सोशल मीडिया मंच एक्स पर लिक्खेआ ऐ जे कश्मीर घाटी च मौसम दी ताजा स्थिति गी दिक्खदे होई हायर सक्केंडरी सतह तोहड़ी दे सब्भनें स्कूलें गी हून पैहली मार्च दे बजाय औंदी 7 मार्च गी परतियै खोलेआ जाहग। जारी हुक्मै च स्कूली शिक्षा विभाग नै आखेआ ऐ जे कश्मीर घाटी सने जम्मू संभाग दे स्याले आहले ज़ोन दे सब्भनें स्कूलें च छुट्टिएं गी 6 मार्च तोहड़ी बधाई दित्ता गेआ ऐ। जम्मू-कश्मीर दे बक्ख-बक्ख हिस्सें च पिच्छले त्रै दिनें शा होआ करदी बरखा ते बर्फबारी दे मद्देनजर एहू फैसला लैता गेआ ऐ।

<><><><><><>

Highway

जम्मू-श्रीनगर राष्ट्रीय जरनैली शिड़क पर रामसू ते काजीगुड बश्कार बर्फ किट्टी होने करी गड़ियें दी आओजाई दौनें भेठा बंद रेही। आधिकारिक सूत्रें आकाशवाणी जम्मू गी जानकारी दित्ती जे राष्ट्रीय जरनैली शिड़कै पर नाशरी ते नवयुग सुरंग बश्कार कई सारी थाहरें पर ल्हासू पस्सियां, कुप्पड़ ते बर्फू दे तौंदे पौने करी ट्रैफिक विभाग नै गड़ियें दी आओजाई गी दौनें भेठा बंद रक्खेआ ऐ। एहदे कन्नै गै भारी बर्फबारी ते कुप्पड़ पौने करी श्रीनगर-कारगिल शिड़क ते मुगल रोड बी बंद ऐ। अधिकारियें लोकें गी सलाह दित्ती ऐ जे ओहू इनें शिड़कें पर सफर करने थमां परहेज करन ते जिस्सलै तगर शिड़कै परा मलबा वगैरा साफ नेई होई जंदा, इनें शिड़कें पर सफर नेई करन। तोआई, कल संझा थमां चिरें रातीं तगर जम्मू-कश्मीर दे मैदानी इलाकें च बरखा बरा'रदी ऐ ते उप्परली धारें पर बर्फबारी होआ'रदी ऐ।

<><><><><><>

Jammu Katra Road

खित्ते च लगातार भारी बरखा गी दिक्खदे होई एहतियातन तौरा पर जम्मू-कटडा शिडकै गी अस्थाई तौर पर बंद करी दित्ता गेआ ऐ। लगातार बरखा दे चलदे दिल्ली-कटडा एक्सप्रेस-वे दा ओह हिस्सा जित्थें निर्माण कमम चला' रदा ऐ, तलैसना होई गेआ ऐ जेदे कन्नै आओजाई लेई खतरा पैदा होई गेआ ऐ। यात्रियें दी सुरक्षा गी यकीनी बनाने लेई श्री माता वैष्णो देवी तीर्थ स्थान दे आधार शिविर कटडा बक्खी जाने आहली गड्डियें गी अगड़ी सूचना थोने तगर पैथल शिडकै राहें मोड़ी दित्ता गेआ ऐ। अधिकारियें स्थिति पर नेडमी तक्क बनाई दी ऐ ते तौले शा तौले गड्डियें दी आओजाई बहाल करने लेई मौसम साब्वै जरूरी उपाऽ कीते जा'रदे ना। यात्रियें गी सलाह दिती गेई ऐ जे ओह सावधानी बरतन। ट्रैफिक सरबन्धी सलाह दी पालमा कन ते मौसम साब्वै गै सफर करन। इस बारै आकाशवाणी समाचार कन्नै गल्ल करदे होई इंजीनियर उर्पिंद्र यादव होरें आखेआ।

<><><><><><>

Announcement

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां ना। इच्छुक आवेदक जेहदी उमर 24 थमां 50 ब'रें दे बश्कार ऐ ते ओह कठुआ जिले दा रौहने आहला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 ब'रें दा तजुर्बा होना लोडचदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबन्धत लोडचदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोडचदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी पिन कोड 180001 उप्पर उप्पर 07 मार्च 2025 थवां पैहले-पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>

Watershed Yatra Poonch

पानी दी सांभ-संभाल गी बढ़ावा देने दे मकसद कन्नै पुंछ दे डिप्टी कमिशनर विकास कुंडल होरें डी.सी दफ्तर परिसर थवां वाटरशेड जात्तरा दी शुरूआत करोआई। एहदा मकसद आम लोकें च वाटरशेड विकास बारै जागरूकता पैदा करना ते लोकें दी शमूलियत गी बधाना ऐ। एह जात्तरा सरकारी हाई स्कूल कुलेनी जाइयै सम्पन्न होई जित्थे केई सारे जागरूकता कार्यक्रमें दा सरिस्ता कीता गेआ। इस मौके प्रतिभागिणें, जिंदे च विद्यार्थी ते समुदायिक नेता बी शामिल हे, पानी दी सांभ-संभाल दा प्रण बी पाया।

<><><><><><>